

# 緬甸鳥瞰

史地叢刊

張正藩編著

正中書局印行

教員  
專

張正藩著

緬甸烏鵲

蕭吉珊題



版 所 翻 必  
權 有 印 究

中華民國二十五年十月初版

緬甸鳥瞰

全一冊 實價國幣四角

(外埠酌加運費匯費)

編 著 者 張 正 藩

發 行 人 吳 秉 常

南京河北路本局

正中書局

南京河北路童家巷口

正中書局

上海福州路

南京太平路

(339)



|  |                          |                |
|--|--------------------------|----------------|
|  | 第五章                      | 旅緬華僑概況……………一五  |
|  | 人數  商業  工業  教育  團體  一般情形 |                |
|  | 第六章                      | 滇緬界務問題……………一四二 |
|  | 滇緬界務問題之發生                |                |
|  | 滇緬界務交涉之回溯                |                |
|  | 片馬問題                     |                |
|  | 江心坡問題                    |                |
|  | 班洪問題                     |                |
|  | 滇緬界                      |                |
|  | 務之展望與對策……………             |                |
|  | 附錄……………一五五               |                |
|  | 南渡銀礦工場記                  |                |
|  | 玉石廠調查記                   |                |
|  | 寶石廠紀略                    |                |

## 第一章 緬甸興亡史一瞥

### 一 緬族來源考

緬甸位於我國西南，臨赤道，屬熱帶，森林蘗茂，物產豐饒。考新唐書南蠻傳所載：「驃古朱波也，自號突羅朱，閩婆國人曰徒里拙，在永昌南二千里，去京師萬四千里，東鄰真臘，西接天竺，西南墮和羅，南屬海，北南詔，地長三千里，廣五千里，東北袤長，屬羊苴咩城。」此固中國正史於驃國之紀載，然非僅兩唐書有之，而前乎唐者，於太平御覽所徵引魏晉人著作之西南異方志，南方八郡志二書，已謂「傳聞永昌西南三千里有驃國。」又後漢書哀牢夷傳云：「有梧桐木華，績以爲布，」註引廣志曰：「梧桐有白者，驃國有桐木，其華有白毳。取其毛淹績，輯織以爲布也。」而法苑珠林卷三六引廣志，亦曰「艾香出驃國。」由此觀之，中國人之知有驃國，既遠在唐前，則驃國之立國，亦有相當之歷史矣。

至其民族之來源，據史家之考察，現在之緬人，實非其原來之土族，初來緬甸者爲墨爾階羣島之錫蘭人，屬於印度支那種族，後中國西南邊地之印度支那種族，亦自西藏帕米爾高原一帶移入，而先來之錫蘭人遂被逐

而寓居於暹羅東境等地方，後有暹羅支那種族之侵入，西藏緬甸人又後遷而遷徙於南方據伊洛瓦底江流域，並逐孟克爾人種於東南，故今之緬甸人實西藏緬甸族之後裔。

其疆域於唐時凡屬國十八，鎮城九，而部落二百九十八，其名見新唐書，向無人加以考證其爲今之何國何地何部落。然其方位，依新唐書所載，可知其周圍之國家於唐時屬南詔，以今所知，驛國於七世紀末葉，其疆域確甚廣大，自彌諾江流域（Chindwin Valley）而下，聲勢甚厚，復貫綠那江（Irrawaddy）蔓延大江左右，極其繁榮之致，而以卑嘜爲其都城，其東西腹部與掸族爲界，南爲直衆之世界，驛國居其中，故終以亡，混化而爲緬族，所惜族既不存，而言語文字亦同歸於盡，使緬甸古史因以暗淡無光，可哀也已。

## 二 緬甸民族之立國

緬甸歲紀今已一二八八年。其最初之歷史，因緬甸本土無昭晰之史書，可資考證，故其詳不可考，至其建國肇始於何時，亦無由明瞭。相傳印度之釋迦族有名阿比雅雜者率領兵隊，至於伊拉瓦底江之上流而建都焉。是爲阿那喀王統，其事當在西歷紀元二千年以前。一說印度摩揭陀帝國亡國，佛教徒失其保護，爲婆羅門教所壓迫，奔避西北，其一部分遂輾轉移入緬甸而拓殖於阿拉干一帶，逐漸東進，緬甸佛教王國之建設，或卽在此時。

據緬甸編年史（Mahayazawin）所載，緬甸古國建於大公城（Tagaung）在今瓦城之東北。其建國之早，在

紀元前九世紀，所述之史事，荒誕無稽，與暹羅之編年史，不相上下。故所述之帝王，有名號而無年代，無切實可考，然建國之地，則頗可信，遺跡至今猶存。其第一至五名阿比雅雜（Abhiyaza）來自印度。

### 三 紛爭割據之時代

自大公王朝以後，經若干年代之變遷，其族分爲兩派，各向西南兩方拓殖，西進者至阿拉干，而建阿拉玉國，南下者抵巴魯姆（Prome）亦建巴魯姆王國，自此緬甸北半部遂爲兩王國所分領。

時南部又有一種民族曰達來（Talangs）爲最初繁殖於緬甸者。亦建國于今達奶沙林區之直通（Ton）與西北部之兩王國，適成鼎足之勢。達來族時興師北伐，經長期之戰爭，始將巴魯姆及阿拉干兩王國攻時紀元七四二年前後，中國唐玄宗天寶間也。

### 四 阿腦拉他王之偉業

西紀元一〇四四年，有名王名阿腦拉他（Anawrata）者，號爲緬甸帝王中第一偉人，於宗教武功，多獻，因建都於巴岸（Pagan）因稱之爲巴岸（有譯作蒲甘）王朝。緬甸史蹟，至是始昭然可考，凡典章文物，此時略具規模。當時緬甸雖信仰佛教，然非佛教正派，純乎異端而已。阿腦拉他王，自直通傳入佛教，驅逐舊教。

(A.E.) 歸依大乘，人民默認。又問直通求佛經，直通王不應，阿腦拉他王大怒，率大軍征之，滅其國，掠聖經佛像財貨及國王與其人民以歸。一〇五七年建瑞光塔，(Shwezigon Pagoda) 今在仰光名大光明塔。又聞中國爲佛教國，欲求佛齒，率軍向北，至南詔，佛齒不可得，僅獲金像而歸。回國時又與揮族酋長孟茅 (Mong moa) 之女結婚，國威大震。據緬甸史乘所載，阿腦拉他王之武功，曾征服阿拉干，遠及孟加拉灣，而暹羅地域，亦在其勢力之下云。

## 五 緬甸與錫蘭之交涉

一〇九〇年巴岸王開辛耶他 (Kyanzttha) 建安納達寺 (Ananda) 於巴岸，爲緬甸第一大寺，遺跡至今猶存。一一〇六年遣僧侶至中國入貢，獻白象。

一一八〇年阿降西許 (Alaungsihu) 王在位時，有錫蘭之侵入。據錫蘭史云，初錫蘭商人多在緬甸之白古地方經商，錫蘭王派官駐紮其地。緬甸向錫蘭商人徵稅，錫官拒之，緬甸捕其船隻，囚其人民。錫蘭王大怒。至緬甸之勃生，殺其總督，掠其村落，屠其人民，並捕俘虜而歸。緬甸遣使至錫蘭敦友誼，兩國始恢復邦交。據中國史載，錫蘭入寇，緬甸得南詔之助而擊退之，緬甸史則紀載缺如，蓋錫蘭紀載，不免有所誇大也。

## 六 中緬最初關係——漢唐宋三朝緬甸之入貢

前漢國境，既擴至瀾滄江以西，徼外諸夷族，逐漸與中國發生交通關係。至後漢和帝永元九年，西南徼外夷掸國王雍由調，遣重譯奉國珍，和帝賜以金印紫綬，小君長皆加印綬錢帛。掸國卽今之緬甸，是爲緬甸人貢中國之始。安帝永寧元年，掸國王雍由調復遣使詣闕朝賀，獻樂及幻人，能變化，吐火，自支解，易牛馬頭，又善跳丸，數至數千，自云海西人，海西卽大秦也。安帝封雍由調爲漢大都尉，賜印綬，金銀綵繪，是爲緬甸受封於中國之始。

唐朝稱爲驃國，德宗貞元十八年，驃國王雍羌聞南詔已附於唐，心慕中國，乃遣其弟入朝天子，獻其國樂。後此五年又隨南詔之使入朝。當時所進驃樂凡十二曲。一曰「佛印」，驃云「沒駄彌」，國人及天竺歌以事王也；二曰「讚官羅花」，驃云「隴莽第」，國人以花爲衣服，能淨其身也。三曰「白鴿」，驃云「答都」，其飛止遂情也。四曰「白鶴遊」，驃云「蘇謾底哩」，謂翔則摩空，行則徐行也。五曰「鬥羊勝」，驃云「來乃」，昔有人見二羊鬥海岸，彊者則見，弱者入山，時人謂之「來乃」，「來乃」者勝勢也。六曰「龍首獨琴」，驃云「彌思彌」，此五弦而五音備，象王一德以畜萬邦也。七曰「禪定」，驃曰「掣覽討」，謂離俗寂靜也。八曰「甘蔗王」，驃云「遏思略」，謂佛教如蔗之甘，皆悅其味也。九曰「孔雀王」，驃云「桃台」，謂毛采光華也。十曰「野鵝」，謂飛上必雙，徒侶畢會也。十一曰「宴樂」，驃云「隴聰網摩」，謂時康宴會嘉也。十二曰「滌煩」，亦曰「笙舞」，驃

云，「暹那」，謂煩悶以適情也。可見當時所進驪樂，其清歌妙舞，固極一時之盛。其後憲宗元和初年，及懿宗咸通三年，皆曾遣使入貢。

宋朝緬之名始於徽宗崇寧四年，緬、波斯、崑崙俱遣使入貢。高宗紹興中，緬復來貢。緬字之義，據顧炎武天下郡國利病書云：「緬人，古朱波人也，漢通西南夷後，謂之揮，唐謂之騾，宋、元謂之緬，逮明朝立爲緬甸宣慰司，自永昌西南，山川延邈，道理修阻，因名之曰緬。」

以上三朝，緬甸皆曾入貢於中國，中緬間祇有和平之朝貢關係，尙未有干戈相見之事實也。

## 七 元代三徵緬甸與巴岸朝之衰亡

一二五三年，蒙古滅南詔與緬甸接壤，一二七三年，遣使往諭降，緬王那羅塔（*Narathipato*）不聽，且戮元使，適金齒土司（今雲南太平河）阿郭以事怨緬王，願爲元軍嚮導。閱三年（一二七七年），元萬戶忽都等南征永昌，未服諸夷，適緬甸侵金齒，金齒乞援。忽都往援之，與緬兵相遇於太平河干，緬衆約四五萬，象八百匹，馬萬匹，馬隊在前，象隊次之，步卒居後，象披甲，背負戰樓，兩旁夾大竹箬，置短輪數十於其中，乘象者舉以擊刺。忽都之兵僅有七百人，分爲三隊與緬兵交戰，元兵連勝二仗，轉戰三十餘里，緬兵及象馬自相蹂死者盈三巨溝。雲南官吏，復遣兵征緬，至江頭城（在緬甸境內臨大金沙江，距騰越十五日程）招降土戶凡三萬五千人，以天熱

還師，具言可擊狀。一二八三年遂遣諸王桑阿克達爾督諸軍往征之，次年分道破江頭城，一二八五年緬王遣使乞降，不果，次年，益兵進征，拔太公城（在江頭城之南十五日程）緬中大震，猶未降附。一二八七年，元兵至曼德勒，會巴岸王庶子作亂，幽王殺王世子及大使等，元使亦遇害。元兵進破巴岸，時緬王已遷於巴岸，遂南竄勃臥汎海至錫蘭。元師喪失者凡七千餘人，以糧盡班師。緬王返都城，請降，歲貢方物，順帝時於巴岸城置邦牙宣慰使，命雲南王移鎮緬中，明年復移鎮太理，是爲中國設官置戍於緬甸境內之始。

一二九六年（元成宗大德元年）二月，以緬王的立普哇拿阿迪提牙，嘗遣其子奉表入朝，請歲輸銀二千五百兩，帛千匹，馴象二十，糧萬石，詔封的立普哇拿阿迪提牙爲緬王，賜以銀印，其子封爲緬國世子，賜以虎符，一二九八年緬王爲其弟所弑，其子逃詣京師，元將發兵征之，旋即諭降之，奉貢如故。時緬甸北部已爲鮮族所據，自緬王被殺後，巴岸王朝遂亡。

巴岸王朝亡後，緬甸爲鮮族所有，復叛中國，一三〇一年元遣薛紹兀兒出征，圍緬都緬新（Myinsaing）包圍者兩月，勢將下，元將高慶察罕不花受緬甸賄賂，託言炎瘴將起，力主退兵，旋引還。而雲南鮮部諸族亦起而作亂，元以中原多事，不遑南顧，遂放棄緬甸。

## 八 緬甸之鮮族王朝

阿瓦王朝之立國 自南詔滅亡後，鮮族大部分南移。十四世紀之初，緬甸北部在緬人勢力之下，南部之阿羅漢、白古皆爲獨立國。鮮族之建國，據緬甸史乘，一二九八年，有鮮族弟兄三人，被任爲總督于上緬甸，其權力猶如王者，是爲鮮王族之始祖，三弟兄中之一人，名新哈圖（*Thihatu*）稱王，建設都城於邦牙（*Pa-ya*）一三二五年，其王子另設一國都於沙開（*Sagayn*）一三六四年有泰多明耶（*Thadomibye*）者併合兩邦，奄有中緬甸之地，建都於阿瓦（*Awa*）是謂阿瓦王朝。

阿瓦白古之對峙 泰多明耶卒，明宜蕭沙克（*Mingyi-Swa Sawke*）繼之，攻白古，時另有鮮人瓦來路（*Walein*）建國於馬爾達班，助白古以抗之，驅緬兵於地拉（*Dala* 仰光對岸）不久瓦來路與白古王交惡，滅白古，兼爲白古王。瓦氏不久卒，然白古與阿瓦成對峙之局。

阿羅漢與印度之關係 自十三世紀之末葉，以迄十六世紀之中葉，緬甸全部，除阿羅漢外，皆在鮮族國王治理之下。一四〇六年，緬甸兵征阿羅漢，阿王逃往孟加拉，阿羅漢遣人治理其國，既而白古征阿羅漢，殺其王，另遣人治理之，阿羅漢王在孟加拉者三十四年，一四三〇年，得孟加拉之助，恢復王位，遂爲孟加拉屬邦，而王名加以同教之尊稱。

## 九 緬甸暹羅歷代之戰爭

緬甸東吁王朝之建設 十六世紀之初，上緬甸有緬甸族新勢力興起，有東吁（Taungga）者，建國自十三世紀之末葉，名義上爲阿瓦之一行省，繼與白古連合，與阿瓦對抗，一五三〇年，其酋莽瑞體（Ta-hinaiweli）起，統一緬甸，稱爲東吁王朝之始祖。

莽瑞體王之征暹羅 莽瑞體卽位時，年僅十六，勇敢有爲，與阿臘拉他及阿隆帕耶稱緬甸史上三大英雄。一五三九年，征白古，其酋長聯合鮮人、印度回教徒、葡萄牙人以拒之。莽瑞體初不得利，三征始服之，殲葡萄牙領袖，莽氏自稱白古王。翌年取馬爾達班，一五四二年取卑謬。又命其大將婆蘭拿（Boreng Nong）攻阿瓦，無功而還。一五四八年，莽瑞體與婆羅拿率大兵三十萬，馬三千頭，象七百頭，攻暹羅，自馬爾達班出發，大敗暹兵於蘇班（Suanburi）進逼猶地亞城，暹人守禦甚力，王后蘇利遊（Suriyotai）死於此役，緬兵屢攻不克，以糧盡班師，一五五〇年爲其部下所刺殺。

婆羅拿王之再征暹羅 莽瑞體卒，婆羅拿嗣位，勇敢有爲，不亞前王。一五五四年，滅阿瓦，鮮王朝遂亡，婆氏仍都白古，又北征鮮人諸國，遠達景邁。一五六四年再征暹羅，下湄南河，陷猶地亞，掠暹王及后而去，翌年攻南掌，據之，南掌王遁走，掠其家族及臣屬至白古，景邁立暹王子孛拉馬新（Ramahin）爲暹羅總督，受緬甸管轄，爲其屬邦。繼而孛拉馬新起而革命，景邁、南掌皆遣兵助之，一五六八年，婆羅拿復陷猶地亞，又東侵老撾，重取南掌而歸。婆氏信仰佛教，曾與印度及錫蘭交通，自哥倫坡取得佛齒而歸，一五八一年卒。莽瑞體及婆羅拿二王，有王

中之王之稱，其領域不惟包有今緬甸全境，且南起馬爾達班，北迄中國西藏，西起阿拉干山脈，東至湄公河云。

暹羅那禮大王之復國 那禮 (Nya Narit) 本爲暹羅王子，不服緬甸管轄，起而宣布獨立，繼卽暹羅王位，

緬王蘭打布應 (Nada Buyn 婆羅拿之子) 於一五九〇年及一五九二年，屢興大軍伐暹羅，皆爲那禮所敗，損失不貲，那氏曾東征真臘，降其王，收爲藩屬，又西征緬甸，取馬爾達班及土瓦等地，降服景邁，稱雄海上，暹史有那禮大王之稱。

甕籍牙王之征暹 自十六世紀末葉以來，緬暹之戰爭史不絕書，然多邊境之戰爭而已。一七五九年緬甸甕籍牙王與師伐暹，由緬甸南部東征，敗暹兵，渡湄克降河而東，近暹羅灣頭，離猶地亞不遠，忽患病，急班師，卒於半途。

白象公之陷暹京 甕籍牙卒後，子 (Esmbyushin) 卽位，卽所謂白象公也。(一作莽紀覺) 一七六六年，與師伐景邁、南掌、南撾諸邦，皆收爲藩屬。乃移師征暹羅，一師自土瓦出發，攻猶地亞，一師自青邁沿湄南河南下，會師於猶地亞城外，圍攻之，暹人力拒，終不敵，一七七六年四月，城陷，暹王逃於荒野而死，王族皆爲俘虜，土城焚毀，猶地亞王朝遂亡。

暹羅鄭昭之復國 緬兵陷猶地亞，暹羅全國素亂，京畿爲緬兵所據，外省四分五裂，各疆臣佔城稱王，時有一英傑名鄭昭 (Tak Sju) 者，父爲中國人，母爲暹人，曾仕於暹廷，位至總督，時方據尖竹汶，崛起以恢復暹羅爲

已任，率軍艦若干艘，溯渭南河而上，攻猶地亞，殺緬將蘇格里（Sugyi）恢復舊京。因城垣殘破，乃遷都於統富里（Tanaburi）即今之盤谷也，暹人尊之爲王。

鄭華時緬再進攻，丕耶卻克里於一七八二年，繼鄭昭爲暹王，一稱拉馬第一（Rama I）即今王朝之主也。曾入貢中國，自稱鄭華，謂係昭子，建王城於今地，在舊王城之對岸。改訂法典，一七八五年緬甸進攻馬來諸邦，初得利，終無功而退，暹羅於緬甸兵退後，乘機擴充其勢力於半島，遠至吉蘭丹、丁加奴，終拉馬第一之世，緬甸屢侵土瓦，及景邁，皆無功而還。

## 一〇 明初緬甸之內附

明太祖洪武二十六年，緬甸南速來朝貢於京師，二十七年六月始置緬甸宣慰司，以其長普刺浪爲宣慰，賜鈔錠羅綺各有差。緬甸之四界其東北爲麓川，其東南爲木邦，其南爲八百大甸，其西爲大古刺。成祖永樂元年皆置爲宣慰司，以其酋爲宣慰使，統領諸夷，各給以金牌信符批文底簿。諸司中以緬甸地獨大，諸部朝貢不絕。

宣宗宣德八年，麓川（在今保山縣以西至緬甸伊拉瓦底江之孟拱、孟差諸地）土酋思任發叛變，屠騰衝，據潞江，自稱曰法。英宗正統四年，黔國公沐晟往征麓川，全軍覆沒。於是有人倡議放棄麓川之地。英宗不許，正統六年正月上命尙書王驥等率京營、川湖、兩廣三十萬討麓川，十月大破賊衆，思任發父子乘舟走緬甸，明廷諭

緬甸會如能擒獻賊首，當賜以麓川之地。緬甸已獲思氏父子，不肯解至，惟以割麓川之地爲請，明廷不許。王驥駐兵金沙江（今名伊拉瓦底江）上，緬甸亦嚴兵爲備，遣人往來江中覘官軍虛實。王驥使人潛焚其舟數百，緬人潰退。王驥亦班師，緬甸旋獻思任發首級。是時思任發之子思機、思卜，遁居孟養，招誘部衆，復國爲亂。正統十三年，王驥復征之，抵金沙江，賊據西岸，立柵堅守。王驥造浮梁，亘數千尺，渡江攻破賊柵，乘勝窮追，至於孟養境內，破其鬼窟山。諸部皆震怖曰：「自古漢人無渡金沙江者，王師至此，真天威也。」思機、思卜大敗，逃入緬甸。迨至明兵既退，羣夷復擁思機之少子思祿，遣使乞和。王驥知賊不可滅，乃許思祿爲土目，立石於金沙江岸，而誓之曰：「石爛海枯，爾乃得渡。」可見當時騰衝以西之國，號爲大金沙江，現在之中緬界線爲天馬關以北至神護關，與明時金沙江之界相比，東縮甚遠。

未幾，緬甸又捕思機送於中國，故孟養視緬甸爲世仇。至世宗嘉靖初，糾合孟密、木邦共滅緬甸，殺緬甸宜慰使莽紀歲，瓜分其土地，於是緬甸國亡，其後三十餘年，緬甸復興。

先是莽紀歲之子瑞體匿於外母洞吾家中，洞吾曾養之如己子，及長襲位，遂有其地。瑞體勇而有謀，聲威日盛，是時葡萄牙人初來東洋，瑞體招葡人爲兵，兼併大古刺部，復以威德收撫諸部。穆宗隆慶二年，孟邦土酋遣使入朝告襲職，明臣有索賂者，不遂其欲，故阻抑之。孟邦酋怒，叛附於緬甸，故時人有一官府只愛一張紙，打失地方二千里」之謠。是時緬甸威力日振，大金沙江流域諸土司，次第服屬其國，惟孟養不附之。瑞體致書中國，自稱